



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Caput centesimum quadragesimum nonum. Jesus mittit spiritum sanctum
ad Discipulos.

urn:nbn:de:hbz:466:1-16260

gaudio sustinuit crucem, confusione contempta, atque in dextera sedis Dei sedet.

1. Petr. 3. 21, 22. Quod & vos nunc similis forme salvos facit baptisma, non carnis depositio sordium, sed conscientia bone interrogatio in Deum, per resurrectionem Jesu Christi, qui est in dextera Dei.

CAPUT CXLIX.

Jesús mittit Spiritum sanctum ad Discipulos.

ISA. 32. 15. Gaudium onagrorum pascua gregum, donec effundatur super nos Spiritus de excelsis.

ISA. 44. 3. Effundam enim aquas super sitientem, & fluentia super aridam: effundam Spiritum meum super semen tuum, & benedictionem super stirpem tuam.

ISA. 59. 21. Hoc factus sum cum eis, dicit Dominus: Spiritus meus qui est in te, & verba mea que posui in ore tuo, non recedent de ore tuo, & de ore seminis tui, & de ore seminis seminis tui, dicit Dominus, à modo & usque in sempiternum.

Ezech. 36. 26, 27. Et dabo vobis cor novum, & spiritum novum ponam in medio vestri; & auferam cor lapideum de carne vestra, & dabo vobis cor carneum. Et Spiritum meum ponam in medio vestri, & faciam ut in preceptis meis ambuletis, & iudicia mea custodiatis, & operemini.

Ezech. 39. 29. Et non abscondam ultra faciem meam ab eis, eo quod effuderim Spiritum meum super omnem domum Israël, ait Dominus Deus.

Joël 2. 28, 29. Et erit post hæc, effundam Spiritum meum super omnem carnem, & prophetabunt filii vestri & filie vestre: senes vestri somnia somniant, & juvenes vestri visiones videbunt. Sed & super servos meos & ancillas in diebus illis effundam Spiritum meum.

Zach. 12. 10. Et effundam super domum David, & super habitatores Jerusalem, Spiritum gratia & precum, & aspicient ad me quem confixerunt: & plangent eum planctu quasi super unigenitum, & dolebunt super eum, ut doleri solet in morte primogeniti.

LUC. 24. 49. Et ego mitto promissum Patris mei in vos: vos autem sedete in civitate, quoad usque induamini virtute ex alto.

Joh. 7. 37, & seq. In novissimo autem die magno festivitatis, stabat Jesus, & clamabat, dicens, Si quis sitit, veniat ad me & bibat: qui credit in me, sicut dicit Scriptura, flumina de ventre ejus fluent aqua viva. Hoc autem dixit de Spiritu, quem accepturi erant credentes in eum: nondum enim eras Spiritus datus, quia nondum erat glorificatus.

Joh. 14. 16, & seq. Et ego rogabo Patrem, & alium Paraclitum dabit vobis, ut maneat vobiscum in æternum, Spiritum veritatis, quem mundus non potest accipere; quia non videt eum, nec scit eum: vos autem cognoscetis eum, quia apud vos manebit, & in vobis erit. Hæc locutus sum vobis apud vos manens: Paraclitus autem Spiritus, quem mittet Pater in nomine meo, ille vos docebit omnia, & suggeret vobis omnia, quæcumque dixerit vobis.

Joh. 15. 26. Cum autem venerit Paraclitus, quem ego mittam vobis à Patre, Spiritum veritatis qui à Patre procedit, ille testimonium perhibebit de me.

Joh. 16. 7, & seq. Sed ego veritatem dico vobis: expedit vobis ut ego vadam. Si enim non abiero, Paraclitus non veniet ad vos; si autem abiero, mittam eum ad vos: & cum venerit, ille arguet mundum de peccato, & de justitia, & de iudicio. Cum autem venerit ille Spiritus veritatis, docebit vos omnem veritatem: non enim loquetur à semetipso; sed quæcumque audit, loquetur, & quæ ventura sunt, annuntiabit vobis. Ille me clarificabit, quia de meo accipiet, & annuntiabit vobis.

Joh. 20. 22. Hæc cum dixisset, insufflavit, & dixit eis, Accipite Spiritum sanctum.

Act. 1. 4, & seq. Et convalescens precepit eis ab Hierosolymis ne discederent, sed expectarent promissionem Patris, quam audistis, inquit, per os meum: quia Johannes quidem baptizavit aqua, vos autem baptizabimini Spiritu sancto, non post multos hos dies. accipietis virtutem supervenientis Spiritus sancti in vos. Et Act. 11. 15, 16.

Act. 2. 1, & seq. Et cum complerentur dies

Pentecostes, erant omnes pariter in eodem loco, & factus est repente de caelo sonus, tanquam aduentis Spiritus vehementis, & replevit totam domum, ubi erant sedentes. Et apparuerunt illis dispersite lingua tanquam ignis, seditque supra singulos eorum, & repleti sunt omnes Spiritu sancto, & ceperunt loqui variis linguis, prout Spiritus sanctus dabat eloqui illis. Stans autem Petrus cum Undecim levavit vocem suam, & locutus est eis. Hoc est quod dictum est per Prophetam Joel, Et eris in novissimis diebus, dicit Dominus, effundam de Spiritu meo super omnem carnem, & prophetabunt filii vestri, & filia vestra, & iuvenes vestri visiones videbunt, & seniores vestri somnia somniabunt: & quidem super servos meos, & super ancillas meas, in diebus illis effundam de Spiritu meo, & prophetabunt. Hanc Jesum resuscitavit Deus, cujus omnes nos testes sumus. Dextera igitur Dei exaltatus, & promissione Spiritus sancti accepta à Patre, effudit hunc quem vos videtis & auditis. Petrus vero ad illos, Penitentiam, inquit, agite, & baptizetur unusquisque vestrum in nomine Jesu Christi, in remissionem peccatorum vestrorum, & accipietis donum Spiritus sancti.

Act. 8. 15, & seq. Qui cum venissent, oraverunt pro ipsis, ut acciperent Spiritum sanctum. Nondum enim in quemquam illorum venerat, sed baptizati tantum erant in nomine Domini Jesu. Tunc imponebant manus super illos, & accipiebant Spiritum sanctum. Cum vidisset autem Simon, quia per impositionem manus Apostolorum daretur Spiritus sanctus, obtulit eis pecuniam, dicens, Date & mihi hanc potestatem, ut cuiusque imposuero manus, accipiat Spiritum sanctum. Petrus autem dixit ad eum, Pecunia tua tecum sit in perditionem, quoniam donum Dei existimasti pecunia possideri. Et Act. 9. 17.

Act. 10. 44, 45. Adhuc loquente Petro verba hæc, cecidit Spiritus sanctus super omnes qui audiebant verbum; & obstupuerunt ex circumcisione fideles qui venerant cum Petro, quia & in nationes gratia Spiritus sancti effusa est. Et Act. 13. 2, 3, 4, 9, 52. & 15. 7, 8. & 19. 2, 6.

Rom. 5. 5. Caritas Dei diffusa est in cordibus nostris, per Spiritum sanctum qui datus est nobis. Et 1. Cor. 2. 12, 13. & 2. Cor. 5. 5. Gal. 3. 5, 14. Eph. 1. 13, 17. & 1. Thess. 4. 8. & 2. Tim. 1. 7, 14. & 1. Petr. 1. 11, 12. & 1. Joh. 3. 24.

1. Cor. 3. 16. Nescitis quia templum Dei estis, & Spiritus Dei habitat in vobis?

Gal. 4. 6. Quoniam autem estis filii, misit Deus Spiritum Filii sui in corda vestra, clamantem, Abba, Pater.

1. Joh. 4. 13. In hoc cognoscimus quoniam

in eo manemus, & ipse in nobis, quoniam de Spiritu suo dedit nobis.

CAPUT CL.

Ecclesia Jesu.

PSALM. 2. 6. Ego autem constitutus sum rex ab eo super Sion montem sanctum ejus, pradicans preceptum ejus.

Psalm. 47. 1, & seq. Magnus Dominus, & laudabilis nimis, in civitate Dei nostri, in monte sancto ejus. Fundatur exultatione terra mons Sion, latera Aquilonis, civitas regis magni. Deus in domibus ejus cognoscitur, cum suscipiet eam. Quoniam ecce reges terra congregati sunt, convenerunt in unum. Ipsi videntes sic admirati sunt, conturbati sunt, commoti sunt, tremor apprehendit eos. Sicut audivimus, sic vidimus in civitate Domini virtutum, in civitate Dei nostri: Deus fundavit eam in aeternum.

Psalm. 68. 36, 37. Quoniam Deus salvam faciet Sion, & edificabuntur civitates Juda: & inhabitabunt ibi, & hereditate acquirunt eam: & semen servorum ejus possidebit eam: & qui diligunt nomen ejus habitabunt in ea.

Psalm. 86. 1, & seq. Fundamenta ejus in montibus sanctis: diligit Dominus portas Sion, super omnia tabernacula Jacob. Gloriosa dicta sunt de te, civitas Dei: memor ero Rahab & Babylonis, scientium me. Ecce alienigena, & Tyrus, & populus Rishipom: hi fuerunt illic. Numquid Sion dicet, Homo & homo natus est in ea, & ipse fundavit eam Altissimus? Dominus narrabit in Scripturis populorum & principum, horum qui fuerunt in ea. Sicut latantium omnium habitatio est in te.

Psalm. 117. 22. Lapidem quem reprobarunt edificantes, hic factus est in caput anguli.

Psalm. 149. 1. Cantate Domino canticum novum: laus ejus in Ecclesia sanctorum.

Isa. 2. 2, & seq. Et erit in novissimis diebus preparatus mons domus Domini in vertice montium, & elevabitur super colles, & fluent ad eum omnes gentes: & ibunt populi multi, & dicent, Venite, & ascendamus ad montem Domini, & ad domum Dei Jacob, & docebit nos vias suas, & ambulabimus in semitis ejus: quia de Sion exibit lex, & Verbum Domini de Jerusalem: & judicabit gentes, & arguet populos multos. Et Mich. 4. 1, & seq.

Isa. 24. 23. Et erubescet Luna, & confundetur Sol, cum regnaverit Dominus exercituum in monte Sion, & in Jerusalem, & in conspectu senum suorum fuerit glorificatus.

MATTH. 16. 18, 19. Et ego dico tibi, quia tu es Petrus, & super hanc petram edificabo Ecclesiam meam, & porta inferi non prevalebunt adversus eam. Et tibi dabo claves regni caelorum; & quodcumque ligaveris super terram, erit ligatum & in caelis; & quodcumque solveris super terram, erit solutum & in caelis.

Act. 20. 28. Attendite vobis & universo gregi, in quo vos Spiritus sanctus posuit Episcopos, regere Ecclesiam Dei, quam acquisivit sanguine suo.

1. Cor. 3. 11. Fundamentum enim aliud nemo potest ponere, prater id quod positum est, quod est Christus Jesus.

1. Cor. 12. 28. Vos autem estis corpus Christi, & membra de membro: & quosdam quidem posuit Deus in Ecclesia, primum Apostolos, secundo Prophetas, tertio Doctores, deinde virtutes, exinde gratias curationum, opitulationes, gubernationes, genera linguarum, interpretationes sermonum.

Gal. 4. 26, 27. Illa autem qua sursum est Jerusalem, libera est, qua est mater nostra. Scriptum est enim, Latere, sterilis, qua non parit: erumpe & clama, qua non parturit: quia multi filii deserte magis, quam ejus qua habet virum.

Eph. 2. 19, & seq. Ergo jam non estis hospites & advena, sed estis cives Sanctorum, & domestici Dei, superaedificati super fundamentum Apostolorum & Prophetarum, ipso summo angulari lapide Christo Jesu, in quo omnis aedificatio constructa crescit in Templum sanctum in Domino, in quo & vos coaedificati in habitaculum Dei in spiritu.

Eph. 5. 22, & seq. Mulieres viris suis subdite sint, sicut Domino: quoniam vir caput est mulieris, sicut Christus caput est Ecclesie: ipse Salvator corporis ejus. Sed sicut Ecclesia subiecta est Christo, ita & mulieres viris suis in omnibus. Viri diligite uxores vestras, sicut & Christus dilexit Ecclesiam, & seipsum tradidit pro ea, ut illam sanctificaret, mundans lavacro aqua in verbo vitae, ut exhiberet ipse sibi gloriosam Ecclesiam, non habentem maculam aut rugam, aut aliquid hujusmodi, sed ut sit sancta & immaculata.

Col. 1. 18. Et ipse est caput corporis Ecclesie, qui est principium, primogenitus ex mortuis.

Col. 1. 24. Qui nunc gaudeo in passionibus pro vobis, & adimpleo ea que defunt